

ՀԱՇՎԵՏՎՈՒԹՅՈՒՆ

2018 թվականի օգոստոսի 21-ից 23-ը Ռուսաստանի Դաշնություն /Մոսկվա/
գործուղման արդյունքների մասին

1. Անունը, ազգանունը

Արման Ուդումյան

2. Զբաղեցրած պաշտոնը

ՀՀ աշխատանքի և սոցիալական հարցերի նախարարի տեղակալ

3. Գործուղման վայրը և ժամկետները

Մոսկվա, Ռուսաստանի Դաշնություն, օգոստոսի 21-ից 23-ը 2018 թ.

4. Հրավիրող կողմը

Աշխատանքի միջազգային կազմակերպության (ԱՄԿ) Արևելյան Եվրոպայի և Կենտրոնական Ասիայի գրասենյակ, նստավայրը Մոսկվա

5. Գործուղման նպատակը

ա) մասնակցություն «Խթանելու մրցունակությունը և արտադրողականությունը աշխատանքային օրենսդրության կարգավորման և համապատասխանության միջոցով» եռօրյա կոնֆերանսին,

բ) քննարկելու ԱՄԿ «Արժանապատիվ աշխատանք» 2018-2022թթ. ազգային ծրագրում ՀՀ աշխատանքի և սոցիալական հարցերի նախարարության կողմից առաջ քաշված փոփոխությունները,

գ) հանդիպելու ԱՄԿ Արևելյան Եվրոպայի և Կենտրոնական Ասիայի գրասենյակի տնօրենի հետ՝ քննարկելու կողմերի միջև համագործակցության և ծրագրային առաջնահերթությունները:

6. Քննարկված թեմաները

ա) աշխատանքի միջազգային ստանդարտները և մրցունակությունը,

բ) աշխատանքային օրենսդրությունը որպես արտադրողունակության և մրցունակության խթան,

գ) մասնագիտական անվտանգությունը և առողջությունը որպես արտադրողունակության խթան,

դ) արտադրողունակության և մրցունակության խթանումը աշխատանքի տեսչության արդյունավետ համակարգի կիրարկմամբ:

7. Հանդիպումները, ելույթները, բարձրացված կամ քննարկված հարցերը

Հանդիպումներ.

- Օլգա Կուլակա - ԱՄԿ Արևելյան Եվրոպայի և Կենտրոնական Ասիայի գրասենյակի տնօրեն,
- Դրագան Ռադիչ – ԱՄԿ Ժնևի գլխավոր գրասենյակի ՓՄՁ թիմի ղեկավար,
- Վալենտին Մոկանու – ԱՄԿ Մոսկվայի գրասենյակի աշխատանքի տեսչության և Մասնագիտական անվտանգության և առողջության ավագ մասնագետ:

Ելույթ.

- Կոնֆերանսի եզրափակիչ մասում՝ ներկայացնելով ՀՀ աշխատանքի և սոցիալական հարցերի նախարարության դիրքորոշումն աշխատանքի տեսչության արդյունավետ համակարգ ունենալու և այդ մասով իրականացվող ընթացիկ աշխատանքների մասին:

8. Հանդիպման կամ հավաքի ժամանակ ընդունված որոշումները, պայմանավորվածությունները, ստորագրված փաստաթղթերը

Կոնֆերանսի ընթացքում ԱՄԿ Արևելյան Եվրոպայի և Կենտրոնական Ասիայի գրասենյակի հետ ձեռք բերվեց պայմանավորվածություն՝ վերանայելու «Արժանապատիվ աշխատանք» 2018-2022թթ. ազգային ծրագրում ներառելու որոշ աշխատանքներ՝ ինչպիսիք են վերանայելու սոցիալական գործընկերության եռակողմ համաձայնագիրը, մշակելու հանրային հատվածի ծառայողների կատարողականի գնահատման ցուցանիշներ, ուսումնասիրելու ներդրումների արդյունքում ստեղծվող աշխատատեղերի դինամիկան և միտումները:

9. Առաջարկությունները, դրանց ընթացք տալու վերաբերյալ առաջարկները՝ եղանակը, ձևը, ժամկետները, պատասխանատուները, ակնկալվող արդյունքները

Վերոնշյալ պայմանավորվածությունների արդյունքում ԱՄԿ գրասենյակը մինչև ս/թ նոյեմբեր ամիսը կաջակցի ՀՀ աշխատանքի և սոցիալական հարցերի նախարարությանը և սոցիալական գործընկերության մյուս կողմերին՝ գործատուների միությանն ու արհմիություններին, եռակողմ համաձայնագրի նոր տեքստի մշակման հարցերում: Մեկ այլ առաջարկության համաձայն, ԱՄԿ-ն կաջակցի ՀՀ ԱՍՀՆ-ին՝ ուսումնասիրելու աշխատանքային օրենսդրությունը և

ներկայացնելու առաջարկներ, որպեսզի այն ավելի նպաստավոր դառնա մրցունակության և արտադրողունակության տեսանկյունից:

10. Գործուղվողը

Արման Ուդումյան

11. Ստորագրությունը, ամսաթիվը



28.08.2018թ.